

漢書



漢蘭臺令史 班固撰
唐祕書少監 顏師古注

漢書

第 六 冊

卷二八至卷三〇（志三）

中華書局

漢書卷二十八上

地理志第八上

昔在黃帝，作舟車以濟不通，旁行天下，^(一)方制萬里，畫塹分州，^(二)得百里之國萬區。是故易稱「先王^(三)以建萬國，親諸侯」，^(四)書云「協和萬國」，^(五)此之謂也。堯遭洪水，襄山襄陵，^(六)天下分絕，爲十二州，^(七)使禹治之。水土既平，更制九州，列五服，^(八)任土作貢。^(九)

〔一〕師古曰：「旁行，謂四出而行之。」

〔二〕師古曰：「方制，制爲方域也。畫，謂爲之界也。塹，古野字。畫音獲。」

〔三〕師古曰：「易比卦象辭。」

〔四〕師古曰：「虞書堯典之辭也。」

〔五〕師古曰：「襄字與（古）懷（字）同。懷，包也。襄，駕也。言水大汎溢，包山而駕陵也。」

〔六〕師古曰：「九州之外有并州、幽州、營州，故曰十二。水中可居者曰州。洪水汎大，各就高陸，人之所居，凡十二處。」

〔七〕師古曰：「其數在下也。」

〔八〕師古曰：「任其土地所有，以定貢賦之差也。」

曰：禹敷土，〔二〕隨山堁木，奠高山大川。〔三〕

〔一〕師古曰：「敷，分也，謂分別治之。自此以下皆是夏書禹貢之文。」

〔三〕師古曰：「堁，古刊字也。奠，定也。言禹隨行山之形狀而刊斫其木，以爲表記，決水通道，故高山大川各得安定也。」

冀州既載，〔二〕壺口治梁及岐。〔三〕既脩太原，至于嶽陽。〔三〕覃懷底績，至于衡章。〔四〕厥土惟白壤。〔五〕厥賦上上錯，〔六〕厥田中中。〔七〕恆衛既從，大陸既作。〔八〕鳥夷皮服。〔九〕夾右碣石，入于河。〔一〇〕

〔一〕師古曰：「兩河間曰冀州。載，始也。冀州，堯所都，故禹治水自冀州始也。」

〔二〕師古曰：「壺口山在河東。梁山在夏陽。岐山在美陽，即今之岐州岐山縣箭括嶺也。禹循山而西，治堁水。」

〔三〕師古曰：「太原即今之晉陽是也。嶽陽在太原西南。」

〔四〕師古曰：「覃懷，近河地名也。底，致也。績，功也。衡章，謂章水橫流而入河也。言禹於覃懷致功以至衡章也。底，晉之履反。」

〔五〕師古曰：「柔土曰壤。」

〔六〕師古曰：「賦者，發斂土地所生之物以供天子也。上上，第一也。錯，雜也。言賦第一，又雜出諸品也。」

〔七〕師古曰：「言其高下之形據於九州之中爲第五也。一曰，爲其肥瘠之等差也。它皆類此。」

〔八〕師古曰：「恆，衛，二水名。恆水出恆山，衛水在靈壽。大陸，澤名，在鉅鹿北。言恆、衛之水各從故道，大陸之澤已可耕作也。」

〔九〕師古曰：「此東北之夷，搏取鳥獸，食其肉而衣其皮也。一說，居在海曲，被服容止皆象鳥也。」

〔一〇〕師古曰：「碣石，海邊山名也。言禹夾行此山之右而入于河，逆上也。」

涉、河惟兗州。〔一〕九河既道，〔二〕雷夏既澤，雍、沮會同，〔三〕桑土既蠶，是降丘宅土。〔四〕厥土黑墳，〔五〕少絲木條。〔六〕厥田中下，〔七〕賦貞，〔八〕作十有三年乃同。〔九〕厥貢漆絲，〔一〇〕厥棗織文。〔一一〕浮于涉、漯，通于河。〔一二〕

〔一〕師古曰：「涉，本濟水之字，從水弟聲。言此州東南據濟水，西北距河。涉音姊。」

〔二〕師古曰：「九河，河水分爲九，各從其道。爾雅曰：『徒駭、太史、馬頰、覆鬴、胡蘇、簡、絮、鉤般、高津，是曰九河。』一說，道讀曰導。導，治也。」

〔三〕師古曰：「雷夏，澤名，在濟陰城陽西北。言此澤還復其故，而雍、沮二水同會其中也。沮音千余反。」

〔四〕師古曰：「降，下也。宅，居也。言此地宜桑，先時人衆避水，皆上丘陵，今水害除，得以蠶織，故皆下丘居平土也。」

〔五〕師古曰：「色黑而墳起也。墳音扶粉反。」

〔六〕師古曰：「少，古草字也。絲，悅茂也。條，脩暢也。絲音弋昭反。」

〔七〕師古曰：「第六也。」

〔八〕師古曰：「貞，正也。州第九，賦亦正當也。」

〔九〕師古曰：「治水十三年，乃同於它州，言用功多也。」

〔一〇〕師古曰：「貢，獻也。地宜漆林，又善蠶絲，故以獻也。」

〔一一〕師古曰：「斐與篚同。篚，竹器，篚屬也。織文，錦綺之類，盛於篚而獻之。」

〔一二〕師古曰：「浮，以舟渡也。洧，漂，二水名。漂水出東郡東武陽。因水入水曰通。漂音它合反。」

海、岱惟青州。〔一〕蜩夷既略，惟、留其道。〔二〕厥土白墳，海瀕廣瀉。〔三〕田上下，賦中

上。〔四〕貢鹽、絺，海物惟錯，〔五〕岱畎絲、枲、鉛、松、怪石，〔六〕萊夷作牧，厥棐檠絲。〔七〕浮于

汶，達于洧。〔八〕

〔一〕師古曰：「東北據海，西南距岱。岱即太山也。」

〔二〕師古曰：「蜩夷，地名也，即陽谷所在。略，言用功少也。惟、留，二水名。皆復故道也。惟水出琅邪箕屋山。留

水出泰山萊蕪縣。惟字今作灘，留字或作溜，古今通用也。一曰，道讀曰導。導，治也。」

〔三〕師古曰：「瀕，水涯也。瀉，鹵鹹之地。瀕音頻，又音賓。瀉音昔。」

〔四〕師古曰：「田第三，賦第四。」

〔五〕師古曰：「葛之精者曰絺。海中物產既多，故雜獻。」

〔六〕師古曰：「畎，小谷也。枲，麻屬也。鉛，青金也。怪石，石之次玉美好者也。言岱山之谷，出絲、枲、鉛、松、怪石

五種，皆獻之。𪚩音工犬反。」

〔七〕師古曰：「萊山之夷，地宜畜牧。𪚩，𪚩桑也。食𪚩之蠶絲，可以弦琴瑟。𪚩音烏簞反。」

〔八〕師古曰：「汶水出泰山郡萊蕪縣原山。言渡汶水西達于沛也。汶音聞。」

海、岱及淮惟徐州。〔一〕淮、沂其乂，蒙、羽其藝。〔二〕大壑既豬，東原底平。〔三〕厥土赤埴墳，草木漸包。〔四〕田上中，賦中中。〔五〕貢土五色，〔六〕羽畎夏狄，嶧陽孤桐，〔七〕泗水浮磬，〔八〕淮夷蠙珠臯魚，〔九〕厥棐玄纁綺。〔一〇〕浮于淮、泗，達于河。〔一一〕

〔一〕師古曰：「東至海，北至岱，南及淮。」

〔二〕師古曰：「淮、沂二水已治，蒙、羽二山皆可種藝也。淮出大復山。沂出泰山。沂音牛依反。」

〔三〕師古曰：「大野即鉅野澤也。豬，停水也。東原，地名。底，致也。言大野之水既已停蓄也。東原之地致功而平，

可耕稼也。」

〔四〕師古曰：「埴，黏土也。漸包，言相漸及包裹而生。」

〔五〕師古曰：「田第二，賦第五。」

〔六〕師古曰：「王者取五色土，封以爲太社，而此州畢貢之，言備有。」

〔七〕師古曰：「羽畎，羽山之谷也。夏狄，狄雉之羽可爲旌旄者也，羽山之谷出焉。嶧陽，嶧山之陽也。山南曰陽。孤

桐，特生之桐也，可爲琴瑟，嶧山之南生焉。嶧音驛。」

〔八〕師古曰：「泗水之涯浮出好石，可爲磬也。泗水出濟陰乘氏縣。」

〔九〕師古曰：「淮夷，淮水上之夷也。蠙珠，珠名。泉，及也。言其地出珠及美魚也。蠙音步干反，字或作玼。」

〔〇〕師古曰：「玄，黑也。織，細絹也。縞，鮮支也，即今所謂素者也。言獻黑細絹及鮮支也。」

〔一〕師古曰：「渡，二水而入于河。」

淮、海惟揚州。〔二〕彭蠡既豬，陽鳥道居。〔三〕三江既入，震澤底定。〔四〕篠簜既敷，〔五〕

天木喬。〔六〕厥土塗泥。〔七〕田下下，賦下上錯。〔八〕貢金三品，〔九〕璫、瑱、簠簠、齒、革、羽

毛。〔一〇〕鳥夷卉服，〔一一〕厥棐織貝，〔一二〕厥包橘、柚，錫貢。〔一三〕均江海，通于淮、泗。〔一四〕

〔一〕師古曰：「北據淮，南距海。」

〔二〕師古曰：「彭蠡，澤名，在彭澤縣西北。陽鳥，隨陽之鳥也。言彭蠡之水既已蓄聚，則鴻雁之屬所共居之。蠡音

禮。」

〔三〕師古曰：「三江，謂北江、中江、南江也。震澤在吳西，即具區也。底，致也。言三江既入，則震澤致定。」

〔四〕師古曰：「篠，小竹也。簠，大竹也。敷，謂布地而生也。篠音先了反。簠音蕩。」

〔五〕師古曰：「天，盛貌也。喬，上竦也。天音於驕反。喬音橋，又音驕。」

〔六〕師古曰：「織，細縠也。」

〔七〕師古曰：「田，第九，賦第七。又雜出諸品。」

〔八〕師古曰：「金、銀、銅。」

〔九〕師古曰：「璫、瑱，皆美玉名也。齒，象齒也。革，犀革也。羽旄，謂衆鳥之羽可爲旄者也。璫音昆。」

〔一〕師古曰：「鳥夷，東南之夷，善捕鳥者也。卉服，絺葛之屬。」

〔二〕師古曰：「織謂細布也。貝，水蟲也，古以爲貨。」

〔三〕師古曰：「柚，似橘而大，其味尤酸。橘、柚皆不耐寒，故包裹而致之也。錫貢者，須錫命而獻之，言不常來也。柚，音弋救反。」

〔四〕師古曰：「均，平也。通淮、泗而入江海，故云平。」

荆及衡陽惟荊州。〔一〕江，漢朝宗于海。〔二〕九江孔殷，〔三〕沱、澧既道，雲夢土作乂。〔四〕厥土塗泥。田下中，賦上下。〔五〕貢羽旄、齒、革、金三品，〔六〕棼、幹、栝、柏、厲、砥、簠、丹，〔七〕惟箇簠、栝，三國底貢厥名，〔八〕包匭菁茅，〔九〕厥棐玄纁璣組，〔一〇〕九江納錫大龜。〔一一〕浮于江、沱、澧、漢，逾于洛，至于南河。〔一二〕

〔一〕師古曰：「北據荊山，南及衡山之陽也。」

〔二〕師古曰：「江、漢二水歸入于海，有似諸侯朝於天子，故曰朝宗。宗，尊也。」

〔三〕師古曰：「孔，甚也。殷，中也。言江水於此州界分爲九道，甚得地形之中。」

〔四〕師古曰：「沱、澧，二水名，自江出爲沱，自漢出爲澧。雲夢，澤名。言二水既從其道，則雲夢之土可爲（敗魚）〔畎〕之治也。沱音徒何反。澧音潛。一曰，道讀曰導。導，治也。」

〔五〕師古曰：「田第八，賦第三。」

〔六〕師古曰：「自金以上所貢與揚州同。」

〔七〕師古曰：「杮木似樗而實。幹，柘也。枯木柏葉而松身。厲，磨也。砥，其尤細者也。弩，石名，可爲矢鏃。丹，赤石也，所謂丹沙者也。杮音丑倫反。枯音古活反。砥音指，又音〔砥〕〔抵〕。弩音奴。」

〔八〕師古曰：「箇，籜，竹名，楷，木名也，皆可爲矢。言此州界本有三國致貢斯物，其名稱美也。箇音困。籜音路。楷音〔枯〕〔怙〕。」

〔九〕師古曰：「甌，桺也。菁，菜也，可以爲菹。茅可以縮酒。苞其茅甌其菁而獻之。甌音軌。菁音精。」

〔十〕師古曰：「玄，黑色。縹，絳也。璣，珠之不圓者。組，綬類也。縹音勳。璣音機，又音祈。」

〔十一〕師古曰：「大龜尺有二寸，出於九江。錫命而納，不常獻也。」

〔十二〕師古曰：「逾，越也。言渡四水而越洛，乃至南河也。南河在冀州南。」

荆、河惟豫州。〔一〕伊、雒、澗、澗既入于河，〔二〕滎、波既豬，〔三〕道荷澤，被盟豬。〔四〕厥土惟壤，下土墳壚。〔五〕田中上，賦錯上中。〔六〕貢漆、枲、絺、紵、棊、纈纈，〔七〕錫貢磬錯。〔八〕浮于洛，入于河。〔九〕

〔一〕師古曰：「西南至荊山，北距河水。」

〔二〕師古曰：「伊出陸渾山，維出冢領山，澗出穀成山，澗出睢池山，四水皆入河。」

〔三〕師古曰：「滎，洧水洧出所爲也，即今滎澤是也。波，亦水名。言其水並已竭聚矣。一說，謂滎水之波。」

〔四〕師古曰：「荷澤在湖陵。盟豬亦澤名，在荷之東北。言治荷澤之水衍溢，則使被及盟豬，不常入也。道讀曰導。」

荷音歌。被音被馬之被。盟音孟。」

〔五〕師古曰：「高地則壤，下地則墳。墟謂土之剛黑者也，音盧。」

〔六〕師古曰：「田第四，賦第二，雜出第一。」

〔七〕師古曰：「紵，織紵爲布及練也。織纊，細綿也。紵音佇。纊音曠。」

〔八〕師古曰：「錯，治玉之石。磬錯，言可以治磬也。亦待錫命而貢。」

〔九〕師古曰：「因洛入河也。」

華陽、黑水惟梁州。〔二〕岷、嶓既藝，沱、潛既道，〔三〕蔡、蒙旅平，和夷底績。〔三〕厥土青

黎。〔四〕田下上，賦下中三錯。〔五〕貢璆、鐵、銀、鏤、柞、磬，〔六〕熊、羆、狐、狸、織皮。〔七〕西頃因

桓是徠，〔八〕浮于潛，逾于沔，〔九〕入于渭，亂于河。〔二〇〕

〔一〕師古曰：「東據華山之南，西距黑水。」

〔二〕師古曰：「岷，岷山也。嶓，嶓冢山也。言水已去，二山之土皆可種藝。沱、潛，二水，治從故道也。岷音旻。嶓音

波。道讀曰導。」

〔三〕師古曰：「蔡、蒙，二〔水〕〔山〕名。旅，陳也。旅平，言已平治而陳祭也。和夷，地名，亦以致功可耕稼也。」

〔四〕師古曰：「色青而細疏。」

〔五〕師古曰：「田第七，賦第八，又雜出第七至第九，凡三品。」

〔六〕師古曰：「璆，美玉也。鏤，剛鐵也。柞，磬石也。璆音蚪。」

〔七〕師古曰：「織皮，謂麕也。言貢四獸之皮，又貢〔維〕〔雜〕〔罽〕。」

〔八〕師古曰：「西頃，山名，在臨洮西南。桓，水名也。言治西頃山，因桓水是來，無它道也。頃讀曰傾。」

〔九〕師古曰：「漢上曰沔，音莫踐反。」

〔十〕師古曰：「正絕流曰亂。」

黑水、西河惟雍州。〔一〕弱水既西，〔二〕涇屬渭汭。〔三〕漆、沮既從，酈水道同。〔四〕荆、岐

既旅，〔五〕終南、惇物，至于鳥鼠。〔六〕原隰底績，至于豬蹜。〔七〕三危既宅，三苗丕敘。〔八〕厥

土黃壤。田上上，賦中下。〔九〕貢球、琳、琅玕。〔十〕浮于積石，至于龍門西河，〔十一〕會于渭

汭。〔十二〕織皮昆侖、析支、渠叟，西戎卽敘。〔十三〕

〔一〕師古曰：「西據黑水，東距西河。西河卽龍門之河也，在冀州西，故曰西河。」

〔二〕師古曰：「治使西流至合黎。」

〔三〕師古曰：「屬，逮也。水北曰汭。言治涇水入于渭也。屬音芮，又音而悅反。」

〔四〕師古曰：「漆、沮，卽鴻翊之洛水也。酈水出酈之南山。言漆、沮既從入渭，酈水亦來同也。道，古攸字也。攸，所

也。沮音七余反。」

〔五〕師古曰：「荆、岐，二山名。荆在岐東。言二山治畢，已旅祭也。」

〔六〕師古曰：「終南、惇物二山皆在武功。鳥鼠山在隴西首陽西南。自終南西出至于鳥鼠也。」

〔七〕師古曰：「高平曰原，下溼曰隰。豬蹜，地名。言皆致功也。」

〔八〕師古曰：「三危，山名，已可居也。三苗，本有苗氏之族，徙居於此，分而爲三，故言三苗。今皆大得其次敘。」

〔九〕師古曰：「田第一，賦第六。」

〔一〇〕師古曰：「球、琳，皆玉名。琅玕，石似珠者也。球音求，又音虬。琳音林。琅音郎。玕音干。」

〔一一〕師古曰：「積石山在金城西南，龍門山在河東之西界，皆河水所經。」

〔一二〕師古曰：「逆流曰會。自渭北涯逆流西上。」

〔一三〕師古曰：「昆侖、析支、渠叟，三國名也。言此諸國皆織皮毛，各得其業。而西方遠戎，並就次敘也。叟讀曰搜。」

道汧及岐，至于荆山，〔一〕逾于河；〔二〕壺口、雷首，至于大嶽；〔三〕底柱、析城，至于王屋；〔四〕太行、恆山，至于碣石，入于海。〔五〕西傾、朱圉、鳥鼠，至于太華；〔六〕熊耳、外方、桐柏，至于倍尾。〔七〕道嶓冢，至于荆山；〔八〕內方，至于大別；〔九〕嶧山之陽，至于衡山，〔一〇〕過九江，至于敷淺原。〔一一〕

〔一二〕師古曰：「自此以下，更說所治山水首尾之次也。治山通水，故舉山言之。汧山在汧縣西。道讀曰導。後皆類此。汧音苦堅反。」

〔一三〕師古曰：「即梁山龍門。」

〔一四〕師古曰：「自壺口、雷首而至大嶽也。雷首在河東蒲阪南。大嶽即所謂嶽陽者。」

〔一五〕師古曰：「底柱在陝縣東北，山在河中，形若柱也。析城山在潁澤西南。王屋山在垣縣東北。」

〔一六〕師古曰：「太行山在河內山陽西北。恆山在上曲陽西北。言二山連延，東北接碣石而入于海。行音胡郎反。」

〔一七〕師古曰：「朱圉山在漢陽冀縣南。太華即今華陰山。」

〔七〕師古曰：「熊耳在陝東。外方在潁川故縣，卽崇高也。桐柏在平氏東南。倍尾在安陸東北。言四山相連也。倍讀曰陪。」

〔八〕師古曰：「嶓冢山在梁州南。此荆山在南郡臨沮東北。嶓音波。」

〔九〕師古曰：「內方在荊州。大別在廬江安豐也。」

〔一〇〕師古曰：「嶓山在蜀郡渝氏西。衡山在長沙湘南之東南。嶓山，江所出。衡山，江所經。」

〔一一〕師古曰：「敷淺原，一名博，傳，陽山，在豫章歷陵南。」

道弱水，至于合黎，餘波入于流沙。〔一〕道黑水，至于三危，入于南海。〔二〕道河積石，至于龍門，〔三〕南至于華陰，東至于砥柱，〔四〕又東至于盟津，〔五〕東過洛汭，至于大伾，〔六〕北過降水，至于大陸，〔七〕又北播爲九河，〔八〕同爲逆河，入于海。〔九〕嶓冢道漾，東流爲漢，〔一〇〕又東爲滄浪之水，〔一一〕過三澨，至于大別，〔一二〕南入于江，〔一三〕東匯澤爲彭蠡，〔一四〕東爲北江，入于海。〔一五〕嶓山道江，東別爲沱，〔一六〕又東至于醴，〔一七〕過九江，至于東陵，〔一八〕東迤北會于匯，〔一九〕東爲中江，入于海。〔二〇〕道沔水，東流爲沔，〔二一〕入于河，軼爲滎，〔二二〕東出于陶丘北，〔二三〕又東至于荷，〔二四〕又東北會於汝，〔二五〕又北東入于海。〔二六〕道淮自桐柏，東會于泗、沂，東入于海。道渭自鳥鼠同穴，東會于酆，又東至于涇，又東過漆、沮，入于河。道洛自熊耳，東北會于澗、瀍，又東會于伊，又東北入于河。

〔一〕師古曰：「合黎山在酒泉。流沙在敦煌西。」

〔三〕師古曰：「黑水出張掖山，南流至敦煌，過三危山，又南流而入于南海。」

〔四〕師古曰：「積石山在河關西羌中。龍門山在夏陽北。言治河施功，自積石起，鑿山穿地，以通其流，至龍門山也。」

〔五〕師古曰：「自龍門南流以至華陰，又折而東經砥柱。」

〔六〕師古曰：「盟津曰孟。孟津在洛陽之北，都道所湊，故號孟津。孟，長大也。」

〔七〕師古曰：「洛汭，洛入河處，蓋今所謂洛口也。山再重曰伾。大伾山在成皋。伾音平鄙反。」

〔八〕師古曰：「降水在信都。大陸在鉅鹿。」

〔九〕師古曰：「播，布也。」

〔十〕師古曰：「同，合也。九河又合而爲一，名爲逆河，言相迎受也。海卽渤海是也。」

〔十一〕師古曰：「漾水出隴西氏道，東流過武關山南爲漢。禹治漾水自嶓冢始也。漾音恙。」

〔十二〕師古曰：「出荆山東南流爲滄浪之水，卽漁父所歌者也。浪音琅。」

〔十三〕師古曰：「滢水在江夏竟陵。滢音筮。」

〔十四〕師古曰：「觸大別山而南入江也。」

〔十五〕師古曰：「匯，迴也，又東迴而爲彭蠡澤也。匯音胡貍反。」

〔十六〕師古曰：「自彭蠡江分爲三，遂爲北江而入海。」

〔十七〕師古曰：「別而出也，江東南流，沱東行也。沱音徒何反。」

〔十八〕師古曰：「醴水在荊州。」

〔十九〕師古曰：「東陵，地名。」

〔二〕師古曰：「迪，溢也。東溢分流，都共北會彭蠡也。迪音弋爾反。」

〔三〕師古曰：「亦自彭蠡出。」

〔四〕師古曰：「泉出王屋山，名爲沆，流去乃爲涉也。沆音弋爾反。」

〔五〕師古曰：「軼與溢同。言濟水入河，並流而南，截河，又並流溢出，乃爲滎澤。一曰軼，過也，音逸。」

〔六〕師古曰：「陶丘，丘再重也，在濟陰，定陶西南。」

〔七〕師古曰：「即荷澤。」

〔八〕師古曰：「濟與汝合。」

〔九〕師古曰：「北折而東也。」

九州道同，〔一〕四奧既宅，〔二〕九山葉旅，〔三〕九川滌原，〔四〕九澤既陂，〔五〕四海會同。〔六〕六府孔修，〔七〕庶土交正，底慎財賦，〔八〕咸則三壤，成賦中國。〔九〕錫土姓，〔十〕祗台德先，不距朕行。〔十一〕

〔一〕師古曰：「各以其所而同法。」

〔二〕師古曰：「與讀曰壤，謂土之可居者也。宅亦居也。言四方之土已可定居也。壤音於六反。」

〔三〕師古曰：「九州之山皆已葉木通道而旅祭也。」

〔四〕師古曰：「九州泉源皆已清滌無壅塞。」

〔五〕師古曰：「九州陂澤皆已遏障無決溢。」

〔六〕師古曰：「四海之內皆同會京師。」

〔七〕師古曰：「水、火、金、木、土、穀皆甚治。」

〔八〕師古曰：「言衆土各以其所出，交易有無，而不失正，致慎貨財，以供貢賦。」

〔九〕師古曰：「言皆隨其土田上中下三品，而成其賦於中國也。中國，京師也。」

〔一〇〕師古曰：「台，養也。言封諸侯，賜之土田，因以爲姓。所敬養者，惟德爲先，故無距我之行也。台音怡。」

五百里甸服：〔一〕百里賦內總，〔二〕二百里〔納〕〔內〕銓，〔三〕三百里內甸服，〔四〕四百里

粟，五百里采。〔五〕五百里侯服：〔六〕三百里采，〔七〕二百里男國，〔八〕三百里諸侯。〔九〕五百里

綏服：〔一〇〕三百里揆文教，〔一一〕二百里奮武衛。〔一二〕五百里要服：〔一三〕三百里夷，〔一四〕二百里

蔡。〔一五〕五百里荒服：〔一六〕三百里蠻，〔一七〕二百里流。〔一八〕東漸于海，西被于流沙，朔、南畝，聲教

訖于四海。〔一九〕

〔一〕師古曰：「規方千里，最近王城者爲甸服，則四面五百里也。甸之爲言田也，主爲王者治田。」

〔二〕師古曰：「自此以下，說甸服之內，以差言之也。總，禾稟摠入也。內讀曰納。下皆類此。」

〔三〕師古曰：「銓，謂所刈，卽禾穗也。銓音鑿。」

〔四〕師古曰：「戛，稟也。言服者，謂有役則服之耳。戛音工黠反。」

〔五〕師古曰：「精者納少，麤者納多。」

〔六〕師古曰：「此次甸服之外方五百里也。侯，候也，主斥候而服事也。」